

佛说花积楼阁陀罗尼经

【2012年修正版】

如是我闻。一时世尊在阿耨达池无热恼龙王宫。与大比丘众四百五十人俱。复有师子游戏菩萨等大菩萨众具足千人。一切皆得陀罗尼十地圆满。得灌顶已位居补处。被大甲冑趣诸佛德。心不退转名称普闻。如是等菩萨摩訶萨。悉从他方而来集会。

尔时师子游戏菩萨摩訶萨。从座而起偏袒右肩。诣世尊前右膝着地。合掌恭肃而白佛言。世尊如佛福蕴当云何得。又于如来作供养者。云何因果无量无边。唯愿如来慈悲开示。作是说已凝心而住。

尔时佛告师子游戏菩萨摩訶萨言。善哉善哉善男子。汝今问我如来福蕴云何而得。又于如来作供养者。云何因果无量无边。汝当谛听今为汝说。

佛言善男子。如来有五法具足功德无量无边。云何五法。所谓戒定慧解脱解脱知见。善男子如来具足如是五法无量功德。是故获得福蕴无量无边。善男子若于如来作供养者。当得涅槃若彼三乘随其发心。各各所见而得涅槃。善男子若见如来应正等觉。以清净心谛信归命尊重称赞。又以衣服卧具病缘医药。一切所须而供养者。所获果报无量无边。善男子若复如来般涅槃后。有得如来舍利如芥子等而供养者。所获果报于一切中最。又复作种种福。若于如来舍利作供养者。其福最上。师子游戏。若复有人持于宝聚如妙高山等。布施供养声闻及辟支佛。所获果报。不如在家及出家菩萨发无上正等觉心。以一金钱布施供养。如来应正觉。以前方便善根。于后方便善根。百分不及一。千分不及一。百千分不及一。乃至算分数分譬喻分譬喻转分。乃至算数譬喻所不能及。善男子又复如来住世百年千年。乃至百千年应化毕已。般涅槃后以佛舍利而起妙塔。若复有人于此塔所。以香泥涂地作曼拏罗。施設花鬘涂香烧香然灯志心供养。乃至持一花一灯以为供养。或持帚拂除去尘坌。或以一掬水用为洒净。如是之人以志心故获福无量。是人先世所有罪业当堕阿鼻地狱。以于塔所作供养故。先世罪报皆悉除灭。善男子若复有人。发一念心归命于佛。又不中退复不轻慢。是人当来于百劫千劫乃至百千劫中。常感胜福生于人天不复堕落一切恶趣。

善男子我今说此花积楼阁陀罗尼经。为欲利益安乐天上人间一切众生故。善男子若复有人得此花积楼阁陀罗尼经。志心受持读诵供养。又复演彼真实义趣广为人说。是人永不堕一切恶趣。亦不生卑下种族。常生人天殊胜之处。诸根圆满获宿命通。具足种种甚深辩才。恒得值遇佛法僧宝。又得如来忆念覆护。得菩提心永不退转。

尔时世尊即说陀罗尼曰。

花积楼阁陀罗尼

tadyathā, tura dhāraṇī muni pra-bhāsane, siddhe candra

达滴呀(合)他(引) 度喇(弹) 塔(引)喇(弹)尼(卷、引) 母尼 波喇(合、弹)帕(引)萨内 悉忒 坚得喇(合、弹)

vi-mukte nir-hāre, loka-pradīpa buddhavatī

微-目格噠(合) 尼勒(弹、半)-哈(引)类(弹) 楼嘎-波喇(合、弹)滴(引)巴 布塔哇滴(引)

tri-bhava rajo apa-gate, tejavati vi-sāla buddha-dharma

得哩(合、弹)-帕哇 喇(弹)究 阿巴-嘎噠 噶究哇滴 微-霞(引)拉 布塔-塔勒(弹)吗(合)

avabhāse, akṣaya kalpe kalpa vi-ghāte, amita kalpa

阿哇帕(引)谁 阿格沙(合、卷)呀 嘎叻悲(合) 嘎叻巴(合) 微-咖(引)噶 阿弥达 嘎叻巴(合)

hutāsane tejo-bala nitya samāhite, tejo-graste

乎达(引)夏内 噶究-巴拉 尼滴雅(合) 萨吗(引)嘿(黑衣反) 噶 噶究-格喇(合、弹)-斯噠(合)

